



Broj: 04-14-525-5/20

Goražde, 17.04.2020.god.

Na osnovu Odluke Vlade Bosansko-podrinjskog kantona Goražde o davanju saglasnosti na utrošak sredstava „Program podrške razvoju poduzetništva i obrta za 2020. godinu“ od 16.04.2020.godine, Ministarstvo za privredu Bosansko-podrinjskog kantona Goražde, sa ekonomskog koda 614500 POD 003-Subvencije za podsticaj razvoja poduzetništva i obrta, raspisuje:

JAVNI POZIV
za odabir korisnika sredstava za finansiranje po „Programu podrške razvoju poduzetništva i obrta za 2020. godinu“

I PREDMET JAVNOG POZIVA

Predmet Javnog poziva je prikupljanje prijava, apliciranih putem aplikacione forme za dostavljanje zahtjeva, za odabir korisnika sredstava po „Programu podrške razvoju poduzetništva i obrta za 2020. godinu“. Sredstva su planirana u Budžetu Ministarstva za privredu Bosansko-podrinjskog kantona Goražde za 2020. godinu, na ekonomskom kodu 614500 POD003-Subvencije za podsticaj razvoja poduzetništva i obrta, u visini od 80.000 KM.

II NAZIV POSEBNOG CILJA PROGRAMA, KRITERIJI I KORISNICI SREDSTAVA

Poseban cilj br.1 Pružanje pomoći i sufinansiranje isplate jedne polovine minimalne neto plaće za mjesec mart 2020.godine svim uposlenim radnicima u privrednim subjektima-obrtnicima (osim privrednim društvima koja će biti obuhvaćena posebnim programom), kojima je Naredbom Federalnog štaba civilne zaštite broj: 12-40-6-148-12/20 od 17.03.2020.godine privremeno zabranjeno obavljanje djelatnosti zbog koronavirusa, a koji vrše usluge u frizerskim i kozmetičarskim salonima..... 20.000,00 KM

(Prvi poseban cilj)

U okviru prvog posebnog cilja obezbijedit će se podrška privrednim subjektima, kojima je Naredbom Federalnog štaba civilne zaštite broj: 12-40-6-148-12/20 od 17.03.2020.godine privremeno zabranjeno obavljanje djelatnosti zbog koronavirusa, a koji vrše usluge u frizerskim i kozmetičarskim salonima.

Podrška će se prioritetno pružiti za sufinansiranje isplate jedne polovine minimalne neto plaće za mjesec mart 2020.godine svim uposlenim radnicima u privrednim subjektima koji su uredno isplaćivali plaće zaključno sa februarom 2020. godine i zadržali postojeći broj uposlenih radnika.

Na ovaj poseban cilj aplicira se isključivo putem aplikacione forme za zahtjeve.

Korisnici sredstava:

- pravni subjekti koji ispunjavaju opće i posebne uslove predviđene Programom

- pravni subjekti koji su registrovani za obavljanje usluga u frizerskim i kozmetičarskim salonima–obrtnici i da im je prebivalište (registracija) na prostoru Bosansko-podrinjskog kantona Goražde.
- pravni subjekti kojima je Naredbom Federalnog štaba civilne zaštite broj: 12-40-6-148-12/20 od 17.03.2020.godine privremeno obustavljeno pružanje usluga i obavljanje djelatnosti
- pravni subjekti koji su dostavili dokaz da u momentu podnošenja aplikacije imaju minimalno jednog ili više stalno zaposlenih radnika
- pravni subjekti koji su uredno isplaćivali plaće zaključno sa februarom 2020. godine i zadržali postojeći broj uposlenih radnika.

Poseban cilj br.2. Sufinansiranje isplate jedne polovine minimalne neto plaće za mjesec mart 2020.godine svim uposlenim radnicima u privrednim subjektima (osim privrednim društvima koja će biti obuhvaćena posebnim programom), kojima je Naredbom Federalnog štaba civilne zaštite broj: 12-40-6-148-11/20 od 17.03.2020.godine i Naredbom Federalnog štaba civilne zaštite broj: 12-40-6-148-26/20 od 19.03.2020.godine, privremeno zabranjeno obavljanje djelatnosti zbog koronavirusa, a koji pružaju ugostiteljske usluge u objektima svih kategorija i obavljaju trgovinsku djelatnost..... 60.000,00 KM

(Drugi poseban cilj)

U okviru drugog posebnog cilja obezbijedit će se podrška za sufinansiranje jedne polovine minimalne neto plaće za mjesec mart 2020.godine privrednim subjektima (osim privrednim društvima koja će biti obuhvaćena posebnim programom), kojima je Naredbom Federalnog štaba civilne zaštite broj: 12-40-6-148-11/20 od 17.03.2020.godine i Naredbom Federalnog štaba civilne zaštite broj: 12-40-6-148-26/20 od 19.03.2020.godine privremeno zabranjeno obavljanje djelatnosti zbog koronavirusa, a koji pružaju ugostiteljske usluge u objektima svih kategorija i obavljaju trgovinsku djelatnost.

Pravo apliciranja nemaju privredni subjekti koji obavljaju trgovinsku djelatnost, a koji su izuzeti prethodno navedenom naredbom (trgovina prehrambenih proizvoda, prodavnice higijenskih proizvoda, ribarnice, apoteke, specijalizovane prodavnice medicinskih, veterinarskih proizvoda i opreme, poljoprivredne apoteke, benzinske pumpe, kiosci, pekare, hemijske čistionice, specijalizovane prodavnice za prodaju ortopedskih i drugih pomagala, specijalizovane prodavnice dječijom opremom, prodavnice hrane za životinje, prodavnice građevinskog, vodovodnog i elektromaterijala, logistički i distributivni centri hrane, pića i higijenskih proizvoda i veledrogerije).

Podrška će se prioritetno pružiti za isplatu jedne polovine minimalne neto plaće za mjesec mart 2020.godine svim uposlenim radnicima u privrednim subjektima koji su uredno isplaćivali plaće zaključno sa februarom 2020. godine i zadržali postojeći broj uposlenih radnika.

Na ovaj poseban cilj aplicira se isključivo putem aplikacione forme za zahtjeve.

Aplicirati se može samo na jedan poseban cilj predviđen Programom, a pravo apliciranja nemaju privredni subjekti koji su registrovani kao privredna društva.

Korisnici sredstava:

- pravni subjekti koji ispunjavaju opće i posebne uslove predviđene Programom
- pravni subjekti koji su registrovani za obavljanje ugostiteljske i trgovinske djelatnosti i da im je prebivalište (registracija) na prostoru Bosansko-podrinjskog kantona Goražde.

- pravni subjekti kojima je Naredbom Federalnog štaba civilne zaštite broj: 12-40-6-148-11/20 od 17.03.2020.godine i Naredbom Federalnog štaba civilne zaštite broj: 12-40-6-148-26/20 od 19.03.2020.godine privremeno obustavljeno pružanje usluga i obavljanje djelatnosti
- pravni subjekti koji su dostavili dokaz da u momentu podnošenja aplikacije imaju minimalno jednog ili više stalno zaposlenih radnika
- pravni subjekti koji su uredno isplaćivali plaće zaključno sa februarom 2020. godine i zadržali postojeći broj uposlenih radnika.

III PRAVO UČEŠĆA

Pravo učešća po ovom Javnom pozivu imaju svi pravni subjekti koji ispunjavaju opće i posebne uslove u skladu sa Programom i koji su navedeni kao potencijalni korisnici sredstava u okviru svakog posebnog cilja.

IV SADRŽAJ PRIJAVE ZA UČEŠĆE NA JAVNOM POZIVU ZA DODJELU FINANSIJSKIH SREDSTAVA

Prijava mora biti urađena sadržajno po zahtjevanim elementima iz aplikacione forme i u skladu sa procedurama apliciranja navedenim u „Programu podrške razvoju poduzetništva i obrta za 2020.godinu“.

Prijavu razmatra komisija za izbor korisnika sredstava, ako su dostavljeni:

- popunjeni obrasci aplikacione forme za aplikacione forme za zahtjeve (popunjeni obrasci ne mogu biti pisani rukom),
- potrebna dokumentacija kojom se dokazuje ispunjavanje općih i posebnih uslova po navedenom posebnom cilju Programa i

Popis potrebne dokumentacije za navedene posebne ciljeve Programa dat je uz aplikacionu formu za zahtjeve koju je propisalo resorno ministarstvo.

Prijave koje nisu podnesene u skladu sa procedurama apliciranja navedenim u „Programu podrške razvoju poduzetništva i obrta za 2020.godinu“ bit će odbijene i neće biti predmet daljeg razmatranja komisije za izbor korisnika sredstava.

Sva priložena dokumenta moraju biti izdana od strane nadležnih organa. Priložena dokumenta ne smiju biti starija od 3 (tri) mjeseca od dana objavljivanja ovog poziva na internet stranici Vlade Bosansko-podrinjskog kantona Goražde i oglasnoj ploči resornog ministarstva. Sve priložene kopije dokumenata moraju biti ovjerene od strane nadležnih upravnih organa ili notara ovjerom ne starijom od 3 (tri) mjeseca od dana objavljivanja Javnog poziva na internet stranici Vlade Bosansko-podrinjskog kantona Goražde i oglasnoj ploči resornog ministarstva.

V KRITERIJI ZA OCJENU PRIJAVE I IZBOR KORISNIKA

Izbor korisnika finansijskih sredstava vrši komisija za izbor korisnika sredstava koju imenuje ministar za privredu Bosansko-podrinjskog kantona Goražde i ista će, u skladu sa procedurama predviđenim Programom, pri izboru primjenjivati dva eliminatorna kriterija i to:

1. Ispunjavanje općih uslova za učestvovanje u Programu.
2. Ispunjavanje posebnih uslova za učestvovanje u Programu.

Rangiranje aplikacija neće se vršiti jer je Programom jasno definisano da će se vršiti isplata jedne polovine minimalne neto plaće za mjesec mart 2020.godine svim uposlenim u

privrednim subjektima koji ispunjavaju opće i posebne uslove Programa, a visina državne pomoći će biti ista za sve privredne subjekte koji ispunjavaju uslove predviđene Programom.

VI NAČIN PREUZIMANJA POTREBNE DOKUMENTACIJE

Potrebnu dokumentaciju za učešće na Javnom pozivu pripremio je Ministarstvo za privredu Bosansko-podrinjskog kantona Goražde i ista se može preuzeti sa internet stranice Vlade Bosansko-podrinjskog kantona Goražde: www.bpkg.gov.ba.

VII NAČIN PODNOŠENJA PRIJAVE

Prijave sa odgovarajućom dokumentacijom podnose se u zatvorenoj koverti na adresu:

**Ministarstvo za privredu Bosansko-podrinjskog kantona Goražde
ul M.Tita br.5 Goražde 73000**

sa naznakom:

**za Javni poziv za odabir korisnika sredstava po „Programu podrške razvoju poduzetništva
i obrta za 2020. godinu“, poseban cilj broj _____
„NE OTVARAJ“**

i predaju se lično na protokol (zgrada Vlade Bosansko-podrinjskog kantona Goražde) ili dostavljaju preporučenom poštom.

Na poleđini koverte obavezno navesti naziv – ime podnosioca prijave, adresu i kontakt telefon i ovjeriti pečatom pravnog subjekta.

Rok za dostavljanje prijava je 7 (sedam) dana od dana objavljivanja Javnog poziva na internet stranici Vlade Bosansko-podrinjskog kantona Goražde i oglasnoj ploči resornog ministarstva, a krajnji rok je 24.04.2020. godine do 16,00 sati.

Prijave primljene nakon isteka roka bit će odbačene i neće biti predmet razmatranja.

U postupku Javnog poziva Ministarstvo ne snosi nikakve troškove učesnicima u Javnom pozivu, te zadržava pravo da u slučaju opravdanosti prijavu prihvati, odbije ili poništi Javni poziv.

Prispjela dokumentacija neće se vraćati.

VIII OSTALE ODREDBE

Sa podnosiocima prijava čiji se projekti aplicirani u formi zahtjeva odobre Ministarstvo za privredu Bosansko-podrinjskog kantona Goražde potpisuje Ugovor o utrošku finansijskih sredstava, kojim će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih u skladu sa „Programom podrške razvoju poduzetništva i obrta za 2020. godinu“.

Konačnu odluku o prijedlogu projekata apliciranih u formi zahtjeva za dodjelu sredstava za sufinansiranje donosi ministar za privredu Bosansko-podrinjskog kantona Goražde, a konačnu odluku o dodjeli grant sredstava Vlada Bosansko-podrinjskog kantona Goražde.

Sve dodatne informacije vezane za ovaj Javni poziv mogu se dobiti svakim radnim danom na broj telefona: 038/224-264, u vremenu od 11 - 16 sati.

MINISTAR

mr.sc.Mensad Arnaut

